

宋蜀刻本唐人集叢刊

新刊權載之文集



I214.7
05
V2

014035301

宋蜀刻本唐人集叢刊

新刊權載之文集

顧廷龍題



二



I214.7
05
V2



北航

C1715220

〔唐〕權德輿 撰

新

刊

權

載

止

父

錄

顧廷龍題



新刊權載之文集跋

《新刊權載之文集》是我國宋代四川眉山地區所刊刻的一部唐人別集。宋刻此集傳世者僅此一部殘本，分藏於海峽兩岸。

權德輿（七五九——八一八）字載之，略陽（今甘肅秦安）人，出身名門，唐憲宗時任中書門下平章事。自幼聰穎，史稱三歲知變四聲，四歲能賦詩文，未冠即以文章稱諸儒間。生平積思經術，無不貫綜；文章詩賦以純雅宏贍著稱，在盛唐文學史中是具有一定的影響的人物。權德輿著述甚豐，見於著錄的有《新唐書·藝文志》別集類「《童蒙集》十卷，又《集》五十卷，《制集》五十卷」。所謂《集》者，應即為《文集》。楊嗣復《權載之文集序》稱：「公昔自纂錄為《制集》五十卷，託於友人湖南觀察使楊公憑為之序。」其後，與孫憲孫編《文集》五十卷，託楊嗣復撰序。楊憑所序《制集》不在《文集》編次之內。權載之《制集》南宋時已

佚，南宋陳振孫《直齋書錄解題》云「今未之見」，晁公武撰《郡齋讀書志》亦云「自纂《制誥集》五十卷，楊憑爲之序，今亡」。以此觀之，南宋以來所傳世者，惟楊嗣復序、權憲孫編次之《文集》而已。

《權載之文集》最早著錄於《新唐書·藝文志》別集類，題爲《集》五十卷。《直齋書錄解題》題爲《權丞相集》五十卷。《郡齋讀書志》和《宋史·藝文志》亦均有著錄。元代之後，宋刻《文集》罕見著錄，所錄者均係《文集》抄本和清嘉慶間刻本。

此次影印的《新刊權載之文集》殘本共十九卷，刻本版框高一九·四厘米，寬一四·二厘米，白口，左右雙欄，半葉十二行，行二十一字。版刻字勁而密，書中「敬」、「貞」等缺筆。經傳增湘、趙萬里等前輩審定、考證。書中鈐有「翰林國史院官書」、「體仁」、「公惠氏」、「郇齋」、「祁陽陳澄中藏書印」等印，則大抵元、明兩代與清初屬官家藏書，至晚於清康熙間從宮內流出，由穎川劉體仁收藏，所

鈐劉體仁印爲最早的私家藏書印。清王士禎撰《居易錄》曾述及《文集》五十卷，言係劉體仁之子抄錄無錫顧宸藏本以示者，則劉體仁之子似有假托隱藏之意。故乾隆間編纂《四庫全書提要》云，「《文集》亦久無傳本」，僅據《居易錄》度之，此集似「康熙中猶存」。此書再現於世，已清末民初，傅增湘先生曾於廠市述古堂假觀並校勘一過。惟傅先生所見劉體仁藏殘本僅十三卷，爲卷一至卷五、卷四十三至五十，乃今存此本中的一部分。此書殘本今存共二十七卷，其中卷四十三至卷五十原爲南京中央圖書館收藏，現度藏於台灣；此外卷一至卷八、卷二十一至卷三十一，曾由陳澄中先生收藏，五十年代轉歸北京圖書館善本特藏部。又，該集卷三十一第三葉原缺，後廠市邃雅齋慨然捐贈，由北京圖書館增補，今一並付之影印。台灣所藏八卷暫缺。

拓曉堂 一九九〇年元月於北京圖書館文津廳

權載之文集卷第二十三

墓誌銘

韋公墓誌銘

韋君墓誌銘

羅公墓誌銘

周君墓誌銘

裴君墓誌銘

唐故太常卿贈刑部尚書韋公墓誌銘

并序

維貞元十七年秋七月乙酉太常韋公諱渠年五十
三啓手足于靖恭里戊子詔書以大司寇印綬告第其
孤博古近古等號咷崩慕以冬十一月甲子薨與蔡叶
吉窆于某原其徽數用天子之追命其誠儉用先人之

理命旣而續書出處之義行官業請斷圓石藏於塋內
玄公字某京兆杜陵人自楚元王傳漢丞相節侯恭侯
而下其族盛大天爵人爵沛然兩集六代祖軌隨郾城
莊公曾祖餘慶皇坊州刺史祖景駿房州刺史父冰著
作郎兼蘇州司馬同氣齊名皆以文學論著爲賢卿大
夫而著作志氣閎邁落落有奇節公卽第若干子也年
十二善賦詩屬書未弱冠博極今古尤精史籍力行過
人且以爲夫子在魯則衣縫掖在宋則冠章甫范蠡在
陶爲朱公在齊爲鳴夷子皮於是傳心印之法於金陵
授谷神之道於華陽或爲塵外人或爲遺名子其達觀
也不名一行其玄同也會歸二教蓋周流揭厲無入而
不自得焉終以儒服服素王之道大曆末丁著作府君

憂倚廬于壤樹之側以純孝感嘉生廉車列上州閭登
敬身元二年起家拜校書郎五年轉左武衛騎曹掾皆
爲知己者從事八年大成均表其名經可領學徒遷四
門博士十二年夏承詔與近臣名儒緇黃大士講議於
麟德殿上以爲能拜秘書郎尋獻詩七百字極其文采
歲中歷右補闕左諫議大夫再當言責之地切劘獻替
數進熟於君規事建議颺起鋒出卓犖頡頑取重於時
三接日旰公卿仰其風采薦巖穴有道之士以待兩言
其他推轂皆一言感槩就義若渴見不善如探湯與夫
陰拱自愛持容容之計者固爲愈矣間一歲遷太府卿
錫以命服又間一歲遷太常卿泉藏受用之法絲絃禮
文之事峻科禁以絕其私酌儀制而合于中被病乞告

禮愈優而不得請壽與志皆未極而歿悲夫公敏於歌
詩縟采綺合大凡文集若干卷撰莊子會釋老子金剛
經釋文孝經維摩經疏三教會宗圖共十餘萬言又奏
修身元新集開元後禮二十卷詔下有司令行於代當
其憫坐馳衰弱喪也泛然若不囿於物及披肝膽承顧
問也毅然若不有其身起儒官博士十三四年踐文石
登玉堂赤車金印燠灼中外其所以得之者無他腸故
也禮器曰觀其發而知其人之智洪範曰俊民用章噫
嘻太常之道其智而俊歟雅爲晉國韓公魯郡顏公之
所薦寵魯公常稱遺名子洞澈三教讀佛書儒書道書
回三萬卷又多言其神竒之跡今茲不書姑書其章明
弘大者用識窀穸一以申嘗僚之義一以遂孝子之心

其銘曰

儒有奉常兮旁貫三玄強志敏心兮詞義紛綸初委約
以卷懷終發舒而顯尊出四門兮登三閣居保氏兮諤
諤開智囊以當法座印累累而綬若若天衢凌厲兮才
較群艾服官政兮年中身飈截道兮駟過隙夫何一氣
聚散之汭汭逝者固不可作兮鏤貞堅于墓門

唐故朝議大夫太子右庶子上柱國賜紫

金魚袋韋君墓誌

君諱聿字某京兆杜陵人六代祖郾城莊公範有勲力
於周隋間範之孫機實居大農艱貞忠厚書在國史機
之孫贈太子少保岳八子爲二千石皆有風績生贈太
子太師賁仕至藍田尉清方粹遠天爵自修有才子四

人君爲冢嗣承少保太師祖禰之慶故延耀發舒於君
伯仲之間少開敏有才智通覽書記不爲章句儒天寶
中以門子奉清廟齋祠試言會府補宣州南陵尉歷揚
州天長丞越州兵曹掾涇原節將表爲衆謀以廷尉平
攝監察御史未及行授楊州錄事衆軍尋爲本府薦拜
秘書郎兼殿侍御史以官名心瞿換太子司議郎俄擢
侍御史檢校祠部員外郎皆爲淮南從事貞元十二年
徵爲水部員外轉比部郎中德宗召見錫以金紫命服
俄遷衛尉少卿國子司業用久次拜右庶子元和三年
九月景成以官壽歿於長興里春秋七十五君初筮仕
已辯疑擿伏全治枉濫厥後率爲守臣薦引歷丞史紀
綱掾皆以理効聞自簪法冠贊戎重或筦府政以脩吏

理若操號鍾而揮孟勞度音觸物非輩類所及所奉之
主即故居守杜扶風公今司徒岐公其人也介弟太尉
南康忠武王有大烈於王家同氣致美士林景行不乘
勢以燠灼每虛懷而坦蕩再爲尚書郎業以修計部稽
百事財用之數嘗欲覆視禁軍董正其簿書雖事適中
正而聞者竦嘆洎佐師氏相東朝克詳憲令以中宜適
朝請休沐或近郊考勝漢廷臣賢士大夫車常接轂必
釃酒理具懽怡晏晏交有久要而言無瑕謫平夷疏達
造適遺累有君子之槩焉與夫拘攣枯槁局束於一代
者異曰論也素強力無疥癬奄忽啓手足庸距知非五
福之康寧以考終命耶岐公以元老總國柄每退朝清
問曰與君宴言一旦相失涕洟怛化夫人滎陽縣君鄭

氏某官某之女淑溫仁順爲六姻法凡合體若干年先
於君歿者半歲嗣子行檢進士第自協律郎移朗州司
戶有文業爲素藝器幹次行業行脩皆脩詞與計偕次
某等顓經術某等尚幼女子有行者四人在祿抱者三
人子壻某官某某官某等皆華宗良幹匍匐會事行檢
等令龜揲著得十月某甲子吉以德輿同辟公府周知
所履將琢圓石見咨直書銘曰

桂陽之系郿城之裔伊上族兮亞千大僚相彼東朝介
黼黻兮吉凶糾纏以息斯不淑兮直城南徧即遠歸全
覆夏屋茲焉追琢以識真實表陵谷兮

唐故太中大夫守太子賓客上柱國襄陽縣
開國男賜紫金魚袋羅公墓誌銘

并序

公諱珣其先會稽人蜀廣漢太守蒙晉西郢鄧侯憲給
事中龔皆以茂績焯於前載曾祖彥榮皇同州長史祖
思崇韶睦常三州刺史父懷操桂州興安縣令贈華州
刺史實有清行藏於家諫公蚤孤貧篤志好學舅氏徐
吏部浩器以遠大以其兄之子妻之實應初上書言事
廷命太祝由吏貲轉長水河南二縣尉萬年主簿分董
計司相中之賦授大理司直嗣曹王以宗室吏師節制
洪荆襄三府公皆贊其師律歷監察御史殿中侍御史
祠部員外郎府除徵為奉天令刺廬壽二州就加御史
中丞入為司農卿京兆尹移疾乞告改太子賓客凡泣
十六官考績四十四年弘厚有局度辨論通吏事敏而
文忠而能力緣飾楨幹所居可紀初結綬蒲歲調於有

司會舅氏居選部上其名於宰府試言二篇比興菁華
及賓曹邠兼筦書奏下安陸應山露布於朝矢石兩下
含章中發介漢南也武人因府喪以刳軍實譴張無狀
公立斬首惡十餘曹且命環棘於廷俾投所取以貫罪
間一日而金幣皆復微公之材則一方幾亂其宰陵邑
內官旁午吏有曰緣橫猾以犯禁者榜笞至死人用知
懼凡田里之闕庸亡之俸皆倍於始至而不書於籍廬
江劇部號爲難理強家占田而婁人無告鄉校廢落而
冗吏猥多被病者捨醫事求淫祀公皆去其弊而圖其
利人人得盡四支之敏而務十全之術修起經師弟子
以理庠塾每歲以廉茂計偕者倍於他邦化條簡易和
氣浹洽靈芝產白雀至連率公司徒岐公上其理狀詔

錫金紫命服壽陽與蔡人接壤有州師萬數天子命中
貴人監理視方任焉訓武備飭文事嚴重廉清理行第
一入以材能爲九卿典司金穀由朱邑之課第循手黜
之事任其尹京轂不施鈎距嘗請減縣內平糴之半且
以嘗賦輸於公上者充焉精力惠養人蒙其利前史稱
吏不廉平則理道衰旋觀天人之所莅有以見朝廷理
道之所繇也年耆疥癰乃喟然曰吾以澤國書生累至
二千石居大農內史止足休老其在茲乎拜章數上雖
處以儲賓優秩而不得謝以元和四年冬十一月啓手
足於宣平里之私第逾縣車者四歲夫人東海徐氏同
州司馬叅軍浚之息女婦道柔正不躋偕老嗣子讓鄉
舉進士博學宏詞能直言極諫三登甲科爲校書郎咸